

STATUT
I SHOQERISË ME PËRGJEGJËSI TË KUFIZUAR
“STANDARD CAPITAL” SHPK

Në bazë të Ligjit nr. 9901, datë 14.04.2008 “*Për tregtarët dhe shoqërítë tregtare*”, me vullnetinë tij të lirë e të plotë, të shprehur me nënshkrimin e këtij Statuti, Ortaku i Vetëm i Shoqërisë “STANDARD CAPITAL” Shpk:

Z. Kristi Çallmori, shtetas shqiptar, lindur më 29 Prill 1999, në Tepelenë, Shqipëri, banues në Tiranë, mbajtës i mjetit të identifikimit me nr. personal J90429047G, me adresë në: Ruga e Elbasanit, Pallatet Edil-Al pranë Ambasadës Amerikane, në cilesine e Ortakut të Vetëm të Shoqërisë, zotërues i 100% të kapitalit themeltar të Shoqërisë,

arton këtë Statut me përbajtjen që vijon:

Neni 1
EMRI I SHOQËRISË

Shoqëria me përgjegjësi të kufizuar është emërtuar “**STANDARD CAPITAL**” Shpk. Shoqëria me përgjegjësi të kufizuar do të regjistrohet pranë Qendrës Kombëtare të Biznesit (“QKB”) me emrin “**STANDARD CAPITAL**” Shpk (në vijim “Shoqëria”).

Neni 2
SELIA E SHOQËRISË

Shoqëria “**STANDARD CAPITAL**” Shpk e ka selinë ligjore në adresën: *Ruga ‘‘Gogo Nushi, pasuria me nr. 1/0109+1-1 zk nr.8140 vol.1, fq.19’’, Tirane, Shqiperi.* Asambleja e Përgjithshme e Ortakëve dhe / ose organi administrativ mund të vendose për transferimin e selisë së Shoqërisë, ose themelimin apo mbylljen e degëve dhe/ose zyrave të përfaqësimit apo zyra administrative brenda territorit të Republikës së Shqipërisë dhe / ose jashtë saj.



Neni 3
KOHËZGJATJA E SHOQËRISË

Kohëzgjatja e Shoqërisë fillon nga momenti i regjistrimit të saj pranë QKB për një kohëzgjatje të pacaktuar.

Shoqëria fiton personalitet juridik nga momenti i regjistrimit në QKB.

Neni 4
OBJEKTI I SHOQËRISË

Shoqëria ka për objekt, por pa u kufizuar në:

- A. Pjesëmarrje dhe investime në shoqëri të ndryshme tregtare përmes blerjes së kuotave. Shoqëria mund të kryejë çdo operacion tregtar, duke përfshirë blerjen, shitjen dhe marrjen me qira të ndërmarrjeve, degëve të ndërmarrjeve, si dhe të ketë interesa apo pjesëmarrje në shoqëri, ente, konsorciume, të themeluara ose në proces themelimi.
- B. Ofrimi i shërbimeve të konsulencës juridike, financiare, menaxheriale, IT, dhe menaxhimit të projekteve për shoqëritë e zotëruara dhe palët e treta, duke përfshirë shoqëri shqiptare dhe të huaja ose individë shqiptarë apo të huaj. Shoqëria mund të veprojë gjithashtu si përfaqësuese e firmave shqiptare dhe të huaja, duke ofruar shërbime agjentimi për shitje dhe marketing.
- C. Aktivitete në fushën e ndërtimit civil, industrial, banesa, hotele dhe resorte; përfshirë punime të përgjithshme në ndërtim, rikonstruksione dhe mirëmbajtje të godinave civile dhe industriale, si dhe projekte nëntokësore. Shoqëria do të përfshihet në ndërtimin e urave, veprave arti, digave, tuneleve, ujësjellësve, veprave të kullimit dhe vaditjes, mbrojtje lumore, sisteme hidraulike dhe bonifikime, rrugë, autostrada, mbikalime, hekurudha, tramvaje, metro, pista aeroportuale, porte dhe nënstacione elektrike, kabina transformatorësh dhe shpërndarje energjisë.
- D. Studim, projektim, zbatim dhe prodhim i energjisë elektrike nga burime alternative si parqet e erës, sistemet fotovoltaikë, hidrocentralet dhe format të tjera të prodhimit të energjisë.
- E. Import, eksport dhe tregti me shumicë dhe pakicë të karburanteve si nafta, gazi, benzina dhe nënproduktet e tyre, vajra lubrifikantë, lëndë djegëse, si dhe transport të tyre për llogari të vetë Shoqërisë dhe të të tretëve. Shoqëria do të ndërtojë dhe operojë vend-magazinime për produktet e karburanteve.
- F. Veprimitari në sektorin e pasurive të paluajtshme, përfshirë blerjen, shitjen, dhënien me qira,



menaxhimin dhe administrimin e pronave të veta dhe të palëve të treta, duke përfshirë tokë, njësi banimi dhe godina ekzistuese.

- G. Import, eksport dhe tregtim të produkteve të ndryshme si ushqime, pije alkoolike dhe jo alkoolike, cigare, kozmetikë, detergjentë, kafe, pjesë për makina, materiale ndërtimi, produkte elektronike dhe elektroshtëpiake, produkte farmaceutike, produkte kancelarie dhe çdo lloj produkti ose makinerie tjeter pa kufizime.
- H. Hapja e degëve ose agjencive në Shqipëri dhe/ose jashtë saj për të zgjeruar më tej aktivitetin tregtar të Shoqërisë.

Neni 5

KAPITALI I SHOQËRISË

5.1. Kapitali filletar i Shoqërisë është 10.000 Leke (njëqind mijë) dhe konsiston në 1 (një) kuotë e cila zotërohet përkatësisht nga Ortaku i Vetëm:

- *Kristi Çallmori, shtetas shqiptar, lindur më 29 Prill 1999, në Tepelenë, Shqipëri, banues në Tiranë, mbajtës i mjetit të identifikimit me nr. personal J90429047G, me adresë në: Ruga e Elbasanit, Pallatet Edil-Al pranë Ambasadës Amerikane, në cilesine e Ortakut të Vetëm të Shoqërisë, zotërues i 1 (një) kuote me vlerë të përgjithshme 10.000 Lekë, që përben 100% të kapitalit themeltar të Shoqërisë.*

Kapitali filletar i Shoqërisë mund të zmadhohet apo zvogëlohet dhe është tërësisht i likuidueshëm dhe i nënshkrueshëm.

5.2 Kapitali i shoqërisë mund të zmadhohet në çdo kohë me një vendim të Asamblesë së Përgjithshme e miratuar me shumicën absolute të kapitalit te shoqërisë.

Në rast të një zmadhimi të kapitalit, të gjithë ortakët do të kenë të drejtën të nënshkruajnë zmadhimin e kapitalit në proporcion me kuotën që zotërojnë, me mënyrën e parashikuar nga Asambleja e Përgjithshme.

Kurdoherë që një ose më shumë ortakë të heqin dorë plotësisht ose pjesërisht nga e drejta për të nënshkruar përritjen e kapitalit përkatës ose që nuk e ushtrojnë këtë të drejtë në kushtet dhe në mënyrën e përcaktuar në rezolutën e Asamblesë së Përgjithshme, zmadhimi i kapitalit të mbetur i paprekur do tu ofrohet si mundësi ortakëve të tjerë në mënyrë proporcionale me kapitalin që zotërojnë. Një zmadhim I mundshëm i kuotave të kapitalit të panënskruar nga ortaket e tjerë do të mund tu ofrohet për të palëve të treta të interesuara, përveç kur parashikohet ndryshtë nga vendimi i Asamblesë së Përgjithshme.

Palët e treta të interesuara në blerjen e aksioneve në kapitalin e shoqërisë duhet të janë me pëlqimin e



ortakëve dhe për këtë arsy propozimi i tyre i blerjes duhet të jetë i miratuar nga Asambleja e Përgjithshme me votën pro te ortakeve qe përfaqësojnë maxhorancën absolute te kapitalit te shoqërisë. Në rast të një nënshkrimi të pjesshëm të kapitalit ajo do të konsiderohet në të gjitha rastet në rritje për pjesën e nënshkruar nga ortakët.

5.3. Shoqëria mund të zvogëlojë kapitalin pas një vendimi të Asamblesë së Përgjithshme të miratuar me votën pro te ortakeve qe përfaqësojnë shumicën absolute te kapitalit te shoqërisë. Në çdo rast, kapitali nuk do të reduktohet nën minimumin e kërkuar nga ligji.

Zvogëlimi i kapitalit i rimbursohet secilit ortak në proporcion me pjesën e mbajtur në Shoqëri.

5.4. Kapitali i shoqërisë përbëhet nga kapitali fillestar i saj, nga pasuritë e luajtshme dhe të paluajtshme dhe nga pasuri të tjera të konsideruara ose që do të konsiderohen si të nevojshme për zhvillimin e veprimtarisë së Shoqërisë.

5.5. Kuotat e kapitalit derdhen në bankë nga ortakët, në llogarinë rrjedhëse në emër të Shoqërisë.

5.6. Kapitali fillestar është nënshkruar tërësisht nga ortaku i vetëm i Shoqërisë.

5.7. Ortaku i Vetëm ka të drejtën të térheqë fondet e depozituara si kapital fillestar të Shoqërisë, në rastin në të cilin Shoqëria nuk registrohet në QKB brenda 6 (gjashtë) muajsh nga data e depozitimit të fondit.

Neni 6

TRANSFERIMI I KUOTAVE

Transferimi i pjesëmarjeve me akt midis te gjallëve janë subjekt i rregullave qe vijojnë.

Me “pjesëmarje” nënkuftohet pjesëmarrja në kapitalin e shoqërisë që i takon secilit ortak, apo pjesë e saj në rast të transferimit të pjesshëm dhe/ose edhe të drejta nënshkrimi që i përkasin atyre.

Me “transferim me akt midis te gjallëve” nënkuftohen te gjitha veprimet e tjetërsimit, ne kuftimin me te gjere te termit, pra përtëj shitjes, thjesht si shembull dhe pa e kufizuar, kontratat e shkëmbimit, dhënieve dhe dhurimit.

Në të gjitha rastet kur natyra e tjetërsimit nuk parashikon një pagesë ose shpërblimi është i ndryshëm nga paratë, ortaket do të marrin pjesëmarrjen duke i paguar ofruesit shumën e përektuar me marrëveshje të përbashkët; në mungesë të marrëveshjes, palët mund ti drejtohen arbitrit, siç specifikohet më poshtë.

Kalimi te një shoqëri fiduciare ose ri-regjistrimi nga i njëjtë (me paraqitjen e mandatit të besimit) tek pronarët aktual nuk i nënshtron dispozitave të këtij nenit.

Në rastin e një transferimi të kryer pa respektuar sa vijon, blerësi nuk do të ketë të drejtë të regjistrohet në regjistrin e ortakeve, nuk do të ketë të drejtën e ushtrimit të votës dhe të të drejtave të tjera administrative dhe nuk mund të disponojë pjesëmarrjen me efekt ndaj shoqërisë.



Pjesëmarrjet janë lirisht te transferueshme midis ortakëve.

Në çdo rast tjetër të transferimit të pjesëmarrjeve, ortakeve te regjistruar rregullisht ne librin e ortakeve u takon e drejta e parablerjes për blerjen.

Prandaj, ortaku që ka për qëllim të shesë ose ndryshe të transferojë pjesëmarrjen e tij, duhet të njoftojë të gjithë ortaket qe rezultojnë ne librin e ortakëve nëpërmjet një letre rekomande me lajmërim marrje të dërguar në vendbanimin e secilit prej atyre qe rezultojnë të shënuar në regjistër; komunikimi duhet të përmbajë përgjithësinë e transferuesit dhe kushtet e caktimit.

Marrësit e komunikimeve të përmendura më lart duhet të ushtrojnë të drejtën e parablerjes për blerjen e pjesëmarrjes në të cilën komunikimi i referohet duke dërguar ofertuesit një deklaratë të ushtrimit të parablerjes me letër rekomande me lajmërim marrje kthimi brenda 30 (tridhjetë) ditëve nga data e pranimit të ofertës së parablerjes.

Në hipotezën e ushtrimit të së drejtës së parablerjes nga më shumë se një ortak, ortaku do t'u ofrohet ortakeve në fjalë në përpjesëtim me vlerën nominale të kuotës që mbahen nga secili prej tyre.

Nëse ndonjëri nga ata që kanë të drejtën e parablerjes nuk mund ose nuk dëshiron ta ushtrojë atë, e drejta për shkak të tij rritet automatikisht dhe proporcionalisht në favor të atyre ortakeve të cilët, anasjelltas, kanë ndërmend ta marrin atë dhe nuk e kanë hequr dore shprehimisht nga akti i ushtrimit të parablerjes që u takon atyre.

Parablerja duhet të ushtrohet për çmimin e treguar nga ofertuesi.

Nëse çmimi i kërkuar konsiderohet i tepruar nga cilido nga ortaket që ka manifestuar në afatet dhe në format mbi vullnetin për të ushtruar parapagimin, çmimi i shitjes do të përcaktohet nga palët me marrëveshje të përbashkët.

Nëse nuk arrihet marrëveshje, çmimi do të përcaktohet nga një ekspert i emëruar nga Organi I Administrimit pas miratimit nga Asambleja e Përgjithshme me votën e favorshme të shumicës së anëtarëve që përfaqësojnë shumicën absolute të kapitalit.

Nëse parablerja nuk ushtrohet në kushtet e lartpërmendura për të gjithë pjesëmarrjen e ofruar, ortaku ofrues, nëse nuk synon të pranojë ushtrimin e të drejtës së parablerjes të kufizuar në një pjesë të pjesëmarrjes, do të jetë i lirë të transferojë pjesëmarrjen e plotë tek blerësi i treguar në komunikim brenda 30 (tridhjetë) ditëve nga data e pranimit të komunikimit nga ortaket, ose, nëse pranohet ushtrimi i parablerjes për pjesë të pjesëmarrjes, mundet brenda te njëjtë afat të transferojë këtë pjesë të pjesëmarrjes tek ortaku i cili ka ushtruar të drejtën e parablerjes, në kushtet që do të pajtohen me të njëjtën.

A handwritten signature in blue ink, appearing to read "Kalmi".

Neni 7
FITIMET E SHOQËRISË

Fitimet e Shoqërisë i takojnë ortakut të vetëm të saj.

Asambleja vendos sipas ligjit për ndarjen ose ri qarkullimin e tyre, duke përcaktuar edhe mënyrat.

Neni 8

Shoqëria do të përdorë dhe disponojë pasurinë e saj të akumuluar. Ajo mund të blejë dhe të shfrytëzojë të drejta të tjera, materiale ose jo materiale, duke përfshirë edhe të drejtën për shitjen e pasurisë së akumuluar tek të tretët. Në Republikën e Shqipërisë, Shoqëria gjzon të drejta sikundër çdo person tjetër juridik shqiptar ose i huaj, sipas legjisacionit në fuqi.

Neni 9

Shoqëria vepron në regjimin e pronës private dhe merr përsipër të drejtat e detyrimet vetëm brenda kufirit të kapitalit të saj. Ortakët mbartin rrezikun e veprimtarisë së shoqërisë, vetëm në nivelin e kapitalit të investuar në të.

Neni 10
DREJTIMI DHE ADMINISTRIMI I SHOQËRISË

Bëjnë pjesë në detyrat dhe kompetencat e ortakëve të mbledhur në Asamblenë e Përgjithshme të gjitha ato që janë parashikuar e rregulluar me ligj, si dhe të listuar në ketë Statut. Ndër këto detyra përfshihen:

1. ndryshimi i aktit të themelimit statutit;
2. zmadhimi apo zvogëlimi i kapitalit te shoqërisë;
3. miratimi i buxhetit vjetor, të raporteve të administrimit, të inventarit, të bilancit dhe llogarive vjetore;
4. emërimi e shkarkimi i administratorëve, qofshin ortakë ose jo, dhe përcaktimi i detyrave dhe kompetencave të tyre, duke përcaktuar se qoftë për emërimin ashtu edhe për shkarkimin nuk do të jetë e domosdoshme të jepet shprehimisht motivi;
5. miratimi i kredive dhe dhënie e garancive;



6. disbursimi i huave te ortakeve te një vlere mbi ALL 25.000.000;
7. marrja e huave për kapitalin punues te një vlere mbi ALL 25.000.000;
8. kryerja e investimeve te një vlere mbi ALL 12.000.000, nënshkrimi i kontratave passive me ane te cilave shoqëria merr përsipër detyrime me vlera mbi ALL 6.000.000;
9. blerjen e pjesëmarrjeve, te shoqërive dhe degëve te shoqërive, dhe operacione te transformimit te shoqërive, bashkim, ndarje, përvitje;
10. vendimi lidhur me krijimin apo mbylljen e degëve, zyrate të përfaqësimit ose agjencive të Shoqërisë;
11. vendimi për riorganizimin dhe prishjen e Shoqërisë;
12. vendimi për te punësuar punëmarrës, për emërimin dhe shkarkimin e likuidatorëve dhetë ekspertëve kontabël të autorizuar apo të konsulentëve të tjerë, qofte persona fizikë apo juridikë që i kushtojnë shoqërisë me shume se ALL 1.000.000 ne vit;
13. vendimi për ndarjen e kotave dhe për anulimin tyre;
14. vendimi për dhënien ose revokimin e prokurave të përfaqësimit të Shoqërisë;
15. vendime për çështje të tjera të parashikuara me ligj apo nga statuti;
16. marrjen e çdo vendimi tjetër që nuk i është deleguar ndonjë organi tjetër.

Neni 11

ASAMBLEJA E PËRGJITHSHME

- 11.1. Asambleja e Përgjithshme mblidhet të paktën një herë në vit.
- 11.2. Asambleja e Përgjithshme thirret nëpërmjet një njoftimi të dërguar nga administrator drejt ortakeve edhe nëpërmjet postës elektronike, ne adresat e deklaruara shprehimisht nga ortaket. Adresat elektronike email të ortakëve regjistrohen në bazën e të dhënave të Shoqërisë nga organi administrativ.
- 11.3. Njoftimi për mbledhjen e asamblesë duhet të përbajë vendin, datën, orën e mbledhjes dhe rendin e ditës dhe duhet t'u dërgohet të gjithëve jo më vonë se 7 (shtatë) ditë përpara datës së parashikuar për mbledhjen e asamblesë; ne rast te urgjencës, afati prej 7 (shtate) ditësh mund te reduktohet ne 3 (tre) dite.
- 11.4. Kur Asambleja e Përgjithshme nuk është thirrur sipas modalitetit të lartpërmendur, ajo mund të marrë vendime të vlefshme vetëm në rast se të gjithë ortaket, me unanimitet, janë dakord për të marre këto vendime, pavarësisht nga mungesa e njoftimit të rregullt.

11.5. Vendimet e Asamblesë së Përgjithshme merren në formën e vendimeve me shkrim. Të gjitha vendimet e Asamblesë duhet të regjistrohen në procesverbale. Prosesverbali duhet të mbajë datën, vedin, rendin e ditës, emrin e Kryetarit të mbledhjes dhe Sekretarit që mban procesverbalin, si dhe rezultati i votimit dhe duhet të nënshkruhet nga Kryetari dhe Sekretari. Prosesverbalit i bashkëlidhet lista e të pranishmëve dhe thirrja. Kryetari do te jete Administratori i Vetëm apo Kryetari I Këshillit të Administrimit. Sekretari verbalizues mund te jete edhe një person i trete, që nuk është ortak apo punëmarrës i Shoqërisë, me kusht qe te jete zgjedhur nga Asambleja e Përgjithshme me shumicën e votave qe përfaqësojnë mazhorancen absolute te kapitalit te shoqërisë.

11.6. Pjesëmarrja apo votimi në Asamblenë e Përgjithshme mund të kryhet edhe nëpërmjet mjeteve elektronike. Prosesverbali i vendimeve duhet t'i dorëzohet organit te administrimit, I cili e regjistron në regjistrin e vendimeve, që do të ruhet në selinë ligjore të Shoqërisë nën kujdesin e administratorit.

11.7. Asambleja e përgjithshme mund të mblidhet edhe jashtë territorit të Republikës së Shqipërisë. Në ketë rast vendimet e asamblesë së përgjithshme të marra jashtë territorit te Republikës së Shqipërisë, do t'i nënshtrohen procedurave të parashikuara nga ligji shqiptar për njohjen e dokumenteve të huaja në Shqipëri dhe duhet të jenë në përputhje me parashikimet e këtij statute për sa i takon kuorumi dhe shumicës në marrjen e vendimeve.

11.8 Asambleja e Përgjithshme, përveç nëse parashihet ndryshe në këtë Statut për disa vendime specifike, vendos me votën pro të shumicës së ortakëve që përfaqësojnë mazhorancen absolute të kapitalit të shoqërisë.

NENI 12

ORGANI I ADMINISTRIMIT

Me organ administrimi nënkuftohet Administratori i Vetëm, apo Kryetari i Këshillit te Administrimit.

Shoqëria mund te administrohet, në alternativë, me vendim te Asamblesë së Përgjithshme, me emërim:

a) nga një Administrator i vetëm;

b) nga një Këshill Administrimi i përbërë nga dy ose me shume anëtarë, sipas numrit te përcaktuar nga ortaket ne momentin e emërimit.

Nëse emërohen dy apo me shume administratoret, nënkuftohet i krijuar Këshilli I Administrimit.

Administratoret mund të jenë edhe jo ortakë.

Organi i administrimit emërohet nga Asambleja e Përgjithshme dhe ushtron të gjitha veprimtaritë e



administrimit te zakonshëm të Shoqërisë, duke zbatuar politikat tregtare të vendosura nga Asambleja e Përgjithshme në përputhje me ligjet e Republikës së Shqipërisë, përfaqëson Shoqërinë në marrëdhënie me të tretët, me përjashtim të kompetencave që vetë ligji apo Statuti ja delegon shprehimisht ortakëve. Për çështje me rendësi të veçantë, administratori konsultohet me ortakët dhe adopton masat e vendosura nga Asambleja e Përgjithshme me shumicat e parashikuara me ligj dhe me Statut. Administratori emërohet për një afat 1 (nje) vjeçar duke filluar nga data e emërimit, me të drejtë riemërimi në qoftë se do të emërohet sërisht administrator nga Asambleja e Përgjithshme. Asambleja e Përgjithshme emëron dhe revokon administratorin apo administratorët në detyrë dhe mund të emërojë administratorë të tjera me kompetenca të përcaktuara sipas parashikimeve ligjore dhe nga Statuti.

Administratori ka të drejtë të japë dorëheqjen e parakohshme, përpara mbarimit te mandatit, me njofitim drejtuar Asamblesë së Përgjithshme. Administratori që jep dorëheqjen është i detyruar të kërkojë mbledhjen e Asamblesë për emërimin e administratorit të ri para se dorëheqja të hyjë në fuqi.

Asambleja e Përgjithshme mund të emërojë si Administrator të Vetëm apo anëtarë të Këshillit të Administrimit perona fizikë të çfarëdo kombësie dhe te jashtëm për Shoqërinë. Secili administrator mund të ushtrojë të gjitha tagrat e përfaqësimit dhe të firmës ashtu si rezultojnë në aktin e emërimit të tyre. Secili nga ato do të jetë individualisht përgjegjës për përbushjen e funksioneve te dhëna nga ligji për organin e administrimit dhe do ti komunikojë administratorëve te tjera te emëruar eventualisht veprimet e kryera nga ai.

Ne momentin e themelimit te shoqërisë, organi administrativ përfaqësohet nga Administratori i Vetëm: Znj. **Sibora Çallmori**, shtetase shqiptare, madhor dhe me zotësi të plotëpër të vepruar, lindur më 25 Tetor 2002, në Tiranë, Shqipëri, banuese në Tiranë, identifikuar nëpërmjet numrit personal të identifikimit **K26025035D**.

Neni 13

Organi i administrimit dhe anëtarët qe e përbejnë, janë përgjegjës përballë shoqërisë dhe personave te trete për shkeljet e ligjit apo normave te statutit qe mund te ndodhin gjate ushtrimit te veprimitarisë, ne baze te ligjit shqiptar te aplikueshëm.

Administratori/et kryen/jnë detyrat e përcaktuara nga ky Statut, nga Asambleja e Përgjithshme e Shoqërisë dhe të gjitha ato detyra të parashikuara dhe të rregulluara me ligj. Ndër këto përshtinen detyrat e renditura më poshtë:

1. Të veprojë dhe të nënshkruajë në emër dhe për llogari të Shoqërisë, duke përfaqësuar atë.



2. Të hartoje rregulloren e brendshme të Shoqërisë dhe një plan biznesi për vitin financiar, që do të miratohet në Asamblenë e Përgjithshme.
3. Të marrë vendime lidhur me kreditë që do të merren dhe dhënien e garancive, pas aprovimit të Asamblesë së Përgjithshme.
4. Të kryejë të gjitha aktivitetet e administrimit të aktivitetit tregtar të Shoqërisë, duke aplikuar politikat tregtare, te investimit, produktive të vendosura nga Asambleja e Përgjithshme dhe te kryeje gjithë veprimtaritë qe i janë caktuar nga ligji apo Statuti dhe Asambleja e Përgjithshme.
5. Të kujdeset për mbajtjen e dokumenteve dhe të librave kontabël të Shoqërisë me korrektësi dhe saktësi.
6. Të kryejë regjistrimet dhe të dërgojë të dhënrat e detyrueshme të shoqërisë, siç parashikohet në ligjin për Qendrën Kombëtare të Biznesit.
7. Te përpunojë dhe paraqesë për aprovim para Asamblesë se Përgjithshme raporte mbi veprimtarisë e Shoqërisë dhe bilancin e viti financiar ne mbyllje, sipas afateve te parashikuara nga ligji;
8. Te mbaje ne mënyrë te rregullt dhe te përditësuar regjistrin e vendimeve te Asamblesë se Shoqërisë;
9. Te përbushë detyrimet tatimore kundrejt shtetit dhe enteve shtetërore;
10. Te këshillohet nga konsulentë dhe eksperte për menaxhimin e problematikave operative, ligjore dhe fiskale te Shoqërisë;
11. Të mirë administrojë Shoqërinë.
12. Të lidhë marrëveshje me të tretë në kufijtë e objektit të aktivitetit të Shoqërisë dhe të kompetencave të përcaktuara nga ortakët dhe nga ky Statut.
13. Të zbatojë rregulloren e brendshme të Shoqërisë.
14. Të jetë përgjegjës për dëmet e shkaktuara Shoqërisë nga veprimet e tij.
15. Të shpërblehet për punën që kryen sipas marrëveshjes me ortaket themelues.
16. Të informohet dhe të bëjë propozime për çfarëdolloj gjëje që e vlerëson si të rëndësishme për Shoqërinë.
17. Të kryejë të gjitha veprimet financiare dhe bankare ne limitet e kompetencave te dhëna nga Asambleja e Përgjithshme dhe nga Statuti.
18. Administratorët kanë të drejtë dhe detyrë të thërrasin Asamblenë e Përgjithshme, sipas dispozitave të përcaktuara në këtë Statut dhe nga ligji aty ku nuk parashikohet shprehimiشت në Statut.

Neni 14
TË DREJTAT E SHOQËRISË

Shoqëria ka të drejtë:

1. të kryejë te gjithë veprimtaritë që përbejnë objektin e veprimitarisë së Shoqërisë;
2. të siguroje pasurinë e vetë;
3. të marre kredi në lekë dhe në valutë nga Bankat vendase ose të huaja në bazë të rregullave ligjore;
4. të përfitoje nga favoret që i njeh legjislacioni shqiptar lidhur me tatimet, detyrime te tjera shtetërore, dhe të tjera;
5. të investoje kudo në Shqipëri apo jashtë shtetit, me të ardhurat që realizon gjatë ushtrimit të aktivitetit të saj;
6. të punësoje punëtore, vendas ose të huaj;
7. të eksportoje lirisht valutën që ka realizuar nga fitimet e saj.

Neni 15
DETYRAT E SHOQËRISË

Shoqëria ka për detyrë:

1. të sigurojë kapitalin e shoqërisë në formën dhe kohën e duhur;
2. të japë garanci për shërbimet që kryen shoqëria;
3. të sigurojë punonjësit e saj;
4. të plotësojë detyrimet fiskale dhe sociale që ka ndaj shtetit, si edhe detyrimet kontraktuale ndaj cilitdo;
5. të pajiset me leje/autorizime të mundshme, nëse kërkohen nga ligji, për të zbatuar objektin e veprimitarisë se saj;
6. të respektojë standartet si dhe të gjitha rregullat që lidhen me veprimitarinë e saj.



Neni 16

MARRËDHËNIET EKONOMIKE – FINANCIARE TË SHOQËRISË

E gjithë veprimitaria e shoqërisë për plotësimin e objektit të veprimitarisë së saj, pasqyrohet në bilancin ekonomik të saj.

Neni 17

Në selinë e shoqërisë mbahet dokumentacioni finansiar, në bazë të cilit, brenda dates 31 mars të çdo viti nxirret bilanci vjetor i Shoqërisë.

Neni 18

Viti finansiar fillon çdo vit më 1 janar dhe mbaron më 31 dhjetor të të njëjtit vit.

Neni 19

Shoqëria mban llogarinë e saj në Bankë. Llogaritë mbahen në Lekë dhe/ose Euro dhe pasqyrohen në librat kontabël përkatës.

Neni 20

Nga fitimet e realizuara gjatë vitit finansiar, Shoqëria, pasi bën zbritjen e humbjeve të vitit të mëparshëm, lë mënjanë 5% të të ardhurave, me të cilin krijohet fondi “Rezervë e domosdoshme”, derisa ky fond të arrijë masën 10% të kapitalit të shoqërisë.

Neni 21

DISPOZITA TË VEÇANTA

Shoqëria ka vulën e saj me përmasa te zakonshme, të realizuar sipas parashikimeve të ligjit në fuqi dhe mund të ketë një markë të vetën. Në rast të krijimit të një faqe interneti, mund të deklarohet në mënyrë vullnetare në QKB.



Neni 22
SHNDËRRIMI

Shndërrimi i Shoqërisë në shoqëri të llojeve të tjera, mund të behët me vendim të Asamblesë së Përgjithshme.

Neni 23
PRISHJA E SHOQËRISË

Shpërbërja e shoqërisë, mund te vije për shkaqet e parashikuara ne nenin 99 te ligjit nr. 9901 date 14.04.2008 “Për Tregtaret dhe Shoqëritë Tregtare” dhe për arsyet si me poshtë:

- kur mbaron kohëzgjatja e parashikuar në themelimin e saj;
- me vendim të asamblesë së përgjithshme;
- me hapjen e procedurave të falimentimit;
- nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 “Për Regjistrimin e Biznesit”;
- me vendim të gjykatës;
- humbja e kapitalit te shoqërisë;

Ne këto raste, ortaket e shoqërisë vendosin mbi mënyrën e likuidimit dhe caktojnë një ose me shume likuidatorë duke u përcaktuar edhe detyrat. Administratori dhe likuidatori janë përgjegjës për ruajtjen e pasurisë se Shoqërisë deri sa ajo t'u dorëzohet personave përkatës fizike e juridike, duke likuiduar ne radhe te pare detyrimet qe ka shoqëria ndaj personave të tretë. Në rast se fondet e disponueshme, rezultojnë të pa mjaftueshëm, për shlyerjen e detyrimeve te Shoqërisë, nëse nuk e kane bere ende, likuidatori mund t’I kërkoje ortakeve themelues të Shoqërisë që të derdhë tërësisht kuotat që u takojnë dhe te cilat nuk janë derdhur ende.



Neni 24

LIGJI I APLIKUESHËM DHE JURIDIKSIONI

Për çdo gjë që nuk është parashikuar shprehimisht në Statut, i bëhet reference dispozitave të ligjit në fuqi. Të gjitha konfliktet që mund të lindin midis ortakëve të Shoqërisë, midis ortakëve dhe Shoqërisë, midis Shoqërisë dhe administratorit do ti nënshtronen për zgjidhje gjykatës kompetente të Republikës se Shqipërisë në përputhje me ligjet shqiptare në fuqi.

Neni 25

Ky statut përpilohet ne 1 (një) ekzemplar në gjuhën shqipe, i nënshkruar rregullisht nga Ortakët e Shoqërisë.

Nënshkruar në Tiranë, më datë 15.11.2024.

STANDARD CAPITAL SHPK



KRISTI ÇALLMORI